



MICT

UMURYANGO W'ABIBUMBYE
Urwego Rwashyiriweho Inkiko Mpanabyaha Mpuzamahanga

Urwego Rwashyiriweho Inkiko Mpanabyaha Mpuzamahanga ("MICT") rwashyizweho n'Inama Ishinzwe Amahoro ku Isi y'Umuryango w'Abibumbye ku itariki ya 22 Ukuboza 2010 kugira ngo Urukiko Mpanabyaha Mpuzamahanga Rwashyiriweho u Rwanda (TPIR) n'Urukiko Mpanabyaha Mpuzamahanga Rwashyiriweho icyahoze ari Yugosilaviya (TPIY) nizamara kurangiza manda yazo ruzazisimbure ku byerekeranye n'ububasha, imirimo y'ingenzi, uburenganzira n'ishingano zari zifite.

IFISHI Y'AMAKURU KU RUBANZA

Kugeza ubu, abantu umunani barezwe na TPIR kubera uruhare rwabo muri jenocide yakorewe mu Rwanda mu mwaka wa 1994 ntibarafatwa. Hateganyijwe ko MICT izaburanisha abaregwa batatu bakurikira: Augustin Bizimana, Félicien Kabuga na Protais Mpiranya. Abandi batanu ari bo Fulgence Kayishema, Charles Sikubwabo, Aloys Ndimbati, Ryandikayo na Phénéas Munyarugarama, imanza zabo zoherejwe mu Rwanda. Ladislas Ntaganzwa, na we washakishwaga kandi urubanza rwe rukaba rwaroherejwe mu Rwanda, yafatiwe muri Kongo ku itariki ya 9 Ukuboza 2015.

MICT-12-22

ARASHAKISHWA - RYANDIKAYO



Ryandikayo yari umucuruzi muri Segiteri ya Mubuga, Komine ya Gishyita muri Perefegitura ya Kibuye, Rwanda, igihe ibyaha bivugwa mu Nyandiko y'ibirego byabaga.

Umwaka yavutsemo n'aho yavukiye

Ahagana mu mwaka wa 1961, Komine ya Gishyita, Perefegitura ya Kibuye, Rwanda

Inyandiko y'ibirego

Inyandiko y'ibirego igenderwaho yatanze ku itariki ya 8 Gicurasi 2012

Aho urubanza rugeze

Arashakishwa kuva ku itariki ya 28 Ugushyungu 1995

AMAKURU Y'IBANZE KU RUBANZA

INYANDIKO Y'IBIREGO

Ryandikayo yarezwe muri TPIR jenocide, ubwumvikane bugamije gukora jenocide, guhamagarira abantu mu buryo butaziguye kandi mu ruhamwe gukora jenocide n'ibyaha byibasiye inyokomuntu, byakorewe muri Perefegitura ya Kibuye mu Rwanda hagati ya Mata na Nyakanga 1994, akaba muri icyo gihe yari umucuruzi w'umherwe ukomeye kandi uvuga rikijyana muri Segiteri ya Mubuga, Komine ya Gishyita, muri icyo perefegitura.

Mu Nyandiko y'ibirego havugwamo ko, nyuma y'urupfu rwa Perezida Habyarimana, umutekano wari mubi cyane muri Komine ya Gishyita no mu yandi makomine menshi muri Perefegitura ya Kibuye. Kubera icyo mpamvu, Abatutsi



bahungiyeye mu bice bitandukanye byo mu karere ka Bisesero kandi bihisha ahantu hafatwaga nk'ahari umutekano, harimo kiriziya y'Abadiventisite ya Murangara na kiriziya gaturika ya Mubuga. Havugwamo kandi ko, hagati y'itariki ya 12 n'ya 20 Mata 1994, Ryandikayo ari hamwe n'abandi bantu, barimo Interahamwe n'abandi basivire b'Abahutu bitwaje intwari, bagabye ibitero ubutitsa kuri izo kiriziya kandi bica Abatutsi bari bahungiyeye. Bivugwa ko abagabye igitero, bagendeye ku mabwiriza bari bahawe n'abantu banyuranye, barimo Ryandikayo, bishe impunzi z'Abatutsi zibarirwa mu bihumbi ku rusengeru rw'Abadiventisite rwa Murangara no kuri kiriziya gaturika ya Mubuga kandi bakomeretsa n'abandi benshi.

Mu Nyandiko y'ibirego havugwamo kandi ko hagati y'itariki ya 8 Mata 1994 n'ya 14 Gicurasi 1994, Interahamwe n'abandi Bahutu bitwaraga gisirikare, bagendera ku mabwiriza, ku moshya no ku mugambi w'abantu bavugwa mu Nyandiko y'ibirego, bagabye ibitero ku Batutsi bari bihishye mu dusozi twa Bisesero, irimo agasozi ka Karuriro muri Serire ya Rwamiko, agasozi ka Gititi, agasozi ka Muyira n'aka Nyiramurego muri Serire ya Gitwa, muri Segiteri ya Bisesero. Mu gihe ibyo bitero byagabwaga, bamwe mu Batutsi babarirwaga mu bihumbi barishwe abandi barakomeretswa.

Ibyaha aregwa mu Nyandiko y'ibirego ni ibi:

Ikirego kimwe cya Jenocide (Ikirego cya 1)

Ikirego kimwe cy'Ubwumvikane bugamije gukora jenocide (Ikirego cya 2)

Ikirego kimwe cyo Guhamagarira abantu mu buryo butaziguye kandi mu ruhame gukora jenocide (Ikirego cya 3)

Ibirego bine by'Ibyaha byibasiye inyokomuntu

- Ubuhotozi (Ikirego cya 4)
- Itsembatsemba (Ikirego cya 5)
- Gusambanya ku gahato (Ikirego cya 6)
- Gutoteza (Ikirego cya 7)

KWIMURIRA URUBANZA MU RWANDA

Ku itariki ya 20 Kamena 2012, Urugereko rwa TPIR rwaburanishije ibyerekeranye no kwimura urubanza rwa Ryandikayo rwategetse ko urubanza rwe rwoherezwa muri Repubulika y'u Rwanda.

Ku itariki ya 7 Gicurasi 2014, Umucamanza umwe rukumbi, Vagn Joensen, yasohoye urwandiko rwo gufata Ryandikayo n'itegeko ryo kumwimura bisaba ibihugu byose bigize Umuryango w'Abibumbye kumushakisha, kumufata no kumushyikiriza Ubushinjacyaha Bukuru bwa Repubulika y'u Rwanda.

Ukeneye amakuru arambuye kurushaho wasura urubuga rwa interineti rwa MICT www.unmict.org. Ibibazo by'itangamakuru byoherezwa kuri imeyiri : mict-press@un.org.



Icyemezo 1966 (2010) cy'Inama y'Umuryango w'Abibumbye Ishinzwe Amahoro ku Isi, giteganya ko ibihugu byose bifite inshingano yo gufatanya na MICT gushakisha abaregwa, kubafata, kubafunga, kubimura no kubashyikiriza inkiko zigomba kubaburanisha.

Ukeneye amakuru arambuye kurushaho wasura urubuga rwa interineti rwa MICT www.unmict.org. Ibibazo by'itangamakuru byoherezwa kuri imeyiri : mict-press@un.org.